

UTL AT DOWNSVIEW



D RANGE BAY SHLF POS ITEM C
39 10 30 17 03 009 6

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

PL
259
Z59
1910


Ẓiyā Paşa, 'Abdülhamid
Verāset-i saltānat-i
senīye


3944

18/835



Digitized by the Internet Archive
in 2010 with funding from
University of Toronto





Ziyā Paşa, 'Abdülhamid

Veraset-i saltanat-ı senīye

وراثت سلطنت سنیه

حقننده مشاهیر شعرای عثمانیه دن ضیا پاشا مرحومک
ایکی قطعه مکتوبی

۱۲۲۶


PL
259

Z59

1910

صورت جوابنامہ اول

غرة محرم سنہ ۱۲۸۵ تاریخی جوابنامہ علیہ لری
واصلید احترام اولدی مآلندہ برزمانلردن برو اونودلمش
اولان « وراثت سلطنت سنیه » مسئلہ سی بو آراق ینہ
تجدد و آنک اوزرینہ برچوق حوادث تگون ایله کویا باب
عالی بوندن اقدم مرکز اجرایہ کتوردیکی مصر والیلکی
حقوقنک تغییرینی مشال طوئہرق اوروپا قایینہ تولریله
مدلولہ افکارا آنک حاضر اغندہ بولندیغی وحقی شیخ الاسلام
سابق رفیق افندی حضرتلرینک سبب انفصالی ایچوندخی
عالی وفؤاد پاشالار طرفندن اشبوتغیر وراثت خصوصنک
اجرایہ موافق شرعشریف اولدیغی متضمن بر فتوی
ویرلمی طلب واصرار ومالیہ ناظری شروانی پاشادخی
وقتیلہ مدرسه کورمش اولدینندن اوده بحثہ قاریشہرق
ترویج مطالبہ متعلق نقول شرعیہ بولنقی قابل اوله جغی
دخی آنک جانبدندن تذکار اولنمی اوزرینہ افندی مشار



اليهك موافقت كوستر مامسى قضيه سنه مبتنى اولديغى بين الا.
 هالى شيوخ بولارق خلك افكارى هيجاز و خجانه دوشمش
 اولغله شايد اول وجهله بر تشبث رسمى وقوع بولع جق
 او اورسه آكا مقابل اوروپا دولترى نه افكار و حر كتمه
 بولنه جقلى ملحوظ اوله بيله جكنه وذات مسئله نك عظمت
 و اهميته نظر آجراسى ممكن اولوب اولديغنه دائر مطالعات
 و معلومات عاجزانه مك اشعارى طلب و اراده بيورلمشدر .
 مختصر لرينك استانبولدن مفارقم خبلى مدت اولديغى
 جهتهله اوراده جريان ايدن احواله اطرافيله اطلاع
 اوله ميه جغندن بو بحثه هيج كيرشماك اولى ايسه ده
 مادامكه مسئله ينه تازه لنوب بو قدر تخديش اذهانه
 باعث اولمشدر البته بر سبب و منشأى اولق لازمكه جكي
 كى حقيقتده ايشك آغراغى دخى منكر اولمديغندن
 اولابنده خاطر مه كالان بعض مطالعاتك عرض و بيانى
 لازمه ذمت كوردم .

معلوم والالريدركه اشبو وراثت مسئلهسى يكي بر
 شى دكلدر بوندن اون بش سنه اول دخى السنه ناسده
 بر مدت دولاشوب صكره باتدى مؤخر آ مصر سياحتندن
 عودت شاهانه وقوعنده ينه بر آراق سويلنوب باتمش

ایدی اول ائشارلرده بو صورت موقع اجراییه کلوب
 کله مامسی ایچون پک چوق بحثلر دوران ایدوب بندملری
 عدم امکانی رأینده اصرار ایتیش و عقل و فطانتی مسلم
 اولان احبابک جمله سنی و حتی ذات سامیلرینی دخی بو
 رأیده بولش ایدم تحریرات اخیرملرنده مسئله مذکوره
 اوزرینه افکار علیه لرنده علامت تردد واضطراب حسن
 ایتدی کمندن بوکا تعجبله برابر دولت علیه نک اداره عمومیه
 سی بر وقتلردنبرو غریب شکللرده کورینوب عقلاً
 غیر ممکن ظن اولنان نیجه غرائبک میدان فعله کتورلمکده
 اولسنه قیاس ایله بو مسئله نک دخی اوکی آردی
 صایلقسزین امر اجراسنه شاید جسارت اولنیورر
 مطالعه سی خدشه بخش خاطر سامیلری اولدیغنی دخی
 تیقن ایله معذور طوتم فی الحقیقه شو سوزک بو آرائی
 دوران ایتسی نصل افکاره حیرت ویرمن بر زمانده که
 فرانسه وانگلتره و پروسیه و روسیه دولترلی یکدیگرینه
 تسابق ایدر بر غیرتله تدارکات حربیه مشغله سنده
 اولدقلرندن انجام کار اوروپاده بر محاربهء عمومیه قرار
 ویره جکی کوریلور و بو لغمک فتیلی شرق مسئله سی
 یعنی دولت علیه نک ابقا واعدامی قضیه سی اوله جفی

اوله جغنی قایدنه تولر آغزنده کزوب دولاشیور بر
وقتمده که کرید وقعه سنده اتخاذا اولنان تدابیر سقیمه نك
اثری اوله رق دولت عثمانیه نك اولکی شان وشهرتی
زائل اولوب — جان اوستیده خسته — تعبیرله یاد
اولنیور .

بر ائنده که دولتک شاننه عارض اولان نقیصه یونان
وایران کی ضعیفایه بیله مدار جرأت اولوب یونانیلرک
تجاوز طمعکارانه لری اندیشه سندن ناشی حدود بوینده
بو قدر عسکر اقامه سنه مجبوریت کورینیور وایرانلرک بغداد
اوزرنده اولان نیات حریصانه لریه مانع ترویج اولان
نامق پاشایی مجرد اورادن قالدرمق مقصدیله میدان چبقار
دقلری سفسطه لر بر قوجه پولتیقه مسئله سی شکانه کیروب
عراق ده دخی بر عریده ظهورندن تحاشی ایدیلیور ایشته
احوال خارجییه بویله بر آرا القده که کرید اشقبای یونانیه سی
خلاف اجرا آت وتأمینات جناب صدارتیناهی حالاسلاح
بدست شقاوت اوله رق قتل نفوس وغصب اموال واملاک
ایدلر .

بر صرعه ده که مملکتین ومصر اعلان استقلال ایله
دوات علیه نك نظارت حکمیه سندن چیقمق تدبیرله

اولوب اولدیغنه انتقال ایدنجه عدم اکانی عقلاً و نقلاً
و شرعاً ثابتدر .

عقلاً ثابتدر زیرا برنجی مرتبه ده بونجه ملیون نفو.
سک التی یوز سنه دبری مألوف اولدیغی بر قاعده نك بر
سبب مجبر ضمننده اولیه رق تغییرینه قالقشلی چوق
قاریشقلقنره سبب اولور .

ایکنجیسی خاندان سلطنت آره سنه شمسیه قدر
امثالی کورلمدک تشویشات دوشوب حقوق دعواسی
میدانه چیقار اهالی که ذاتاً اداره حاضرمدن ناخشنوددر
مظلومک طرفداری اولوب بین الاسلام تفرقه دوشر
ونجه قائلر دو کلمه باعث اولور دولت ایسه خارجاً
وداخلأ بوقدر مخاطرات ایچنده بوغلمش ایکن — جناب
حق اوکونی کوسترمسون — برده بوبلیه یه اوغرایوب .
ده ممالک اسلامیه تشت دوشه جک اولورسه آرتق
آنک قراری سلطنت سنیه نك اضمحلال واندراسیله ختام
بواور .

اوچنجیسی مصر والیلکی حقوق وراثتک تغیری
مقام خلافت کبری حقوقنه اصلا نسبت اولنه من چونکه
مصرک قاعده وراثتی یکریمی یللق بر فرمان پادشاهی یه

مستند اولمغله آنک تأسسی اوزرینه اجتماع افکار کسب
استقرار ایتماش ایدی برده مصرک وراثت اصولی
صحیحاً بوزلیدی یوقسه دها بشقه رنگاره کیره جکمی
مستقبلده کوریلور زیر اوروپانک افکار غومیه سی بوز-
لیدی طرفه اولدیغی حس اولنیور ایکنجی درجه ده
بواش ایومی اولدی فنا می اولدی برکزه مطالعه اولسه
واقعا عالی پاشانک بوندن ایکی سنه مقدم فاضل مصطفی
پاشایه نفسانیتی اولدیغندن — آنک کوکندیکی مصر
وراثتی الندن آلمق بنم ایچون ایکی ساعت قدر صرف
وقت ایتکه موقوفدر — دیسنه وسائر اسباب معنویه
مبنی جنت مکان عبدالجید خان خضر تارینک امضاسیله
مرحوم محمد علی پاشایه ویرلش ومدلولی رسماً بتون
اوروپا دولترینه بیلدیرلش اولان بر امتیاز فرمان عالیسی
کیرو آلمدی دیکری ویرلدی آنجق بو حرکت عالمه اعلان
ایتدی که دولت علیه هر نه زمان ایسترسه مصر وراثتی
تغییر ایده بیله جکدر یعنی یارین ذات حضرت شاهانه
مصر والیسنه کوجنسه ایکی سنه اول ویردیکی فرمانک
خلافنده دیکرینی ویرمکه مقتدر در حال بویه ایکن مشارالیه
فاضل پاشا وحلیم پاشا حقوق ارثیه لرندن فارغ اولورلرمی.

غریبی شوراسیدرکه مصر والیبی اسماعیل پاشا
شو دقیقه‌بی ادراک ایدمه‌یدرک اوغلا، حصر ولایت
ایدیورم ظنیله خاندانک هدم حقوقی تسهیل ایدم‌جک
اسبابی شوقدر بهالی آلدی .

دردنجیبی شمدیك بومطالعهدردن دخی صرف نظرله
مصر وراثتی صحیحاً تغیر ایتشدردیهلم برکره مقام خلافت
کبری ایله مصر والیبکی آره‌سنده‌کی فرق دوشونملی
سلطان سلیم خان اول عصرینه کلنجیه قدر دوات
عثمانیه امارت امویه اعتبارنده بر حکومت اسلامیه ایدی
وقتاکه مشار الیهک همیتله امانات مقدسه‌ک محافظه‌سی
وحرمین محترمین خدمت مفتخره‌سی اول خاندان ذبشانه
کچدی اول زمانه دك متفرق بولنان قوای اسلامیه نقطه
واحدده اجتماع ایتکله مقام سلطنت رنک مقدسیت
آلدی بوسیدندرکه ذات حضرت پادشاهی امورجسمانیه
وروحانیه‌ده مرجع اسلامدر وولی عهد سلطنت مراد
افندی حضرت‌تلی وکرک سائر برادر مکرملری ایله
یوسف عز‌الدین افندی حضرت‌تلی و برادر کهرلری
انظار ملتده قدر و حیثیتجه یکدیگرندن فرق اولمیه‌رق
جمله‌سنده بالقوه پادشاهلق خاصه‌سی بولندیغی حالده‌بالذات

جاس تخت سلطنت اولان عبدالعزیز خان حضرت تارینک مقدسیت مخصوصه لرینه نسبت اولندقلرنده جمله سی افراد تبعه عدادنده صایلو رلر .

والحاصل مقام خلافت بر مقام عال العادر که بر یوزنده بولان جمیع اقوام اسلامیه نک رابطه روحانیه سی اورایه باغلیدر آرتق اومقامه مخصوص اولان حقوقک نه جهتنه طوقیله حق اولورسه بتون امت اسلامیه نک دعواجی اوله جغنده شبه اولورمی .

بشجیسی اسکر باب عالی اوروپا قاینه تولریله بو بحشه کیریشوب آنارک رأی ورضالرینی آلتق ایسترسه امتناع حصوله بر دلیل دخی بو اولور واقعا دیپلوماتلق یعنی امور دولجه اوسته لق هر مسئله ده اسان مناسب قوللانه . رق ایشنی بجرمک معناسنه ایسه ده مسائل اساسیه ده کلیاً حالک خلافتنه یالان سویلک و صکره یالان میدان چبققدقه اوتانمیوب دیگر بریالانه اولککنی تأویله چالشق استعدادنجه اوروپا دیپلوماتلری بزم دولنک وکلاسی راده سنه یتشمده کلرندن شملی قدر قوللانیاه کلان دیپلوماتلق بومسئله ده دخی استعمال اولنه رق مثلاً وکلاسی حاضره هر خصوصه اوروپانک قواعد مدیه سنه تطبیق و تقلیده همت ایانه کلری

کبی وراثت خصوصاً دخی اروپا دولترنده جاری
اولان اولاده: مختصار اصولنه رعایت ایدیله جگنی و بو
سبيله اسکی عصرلرده وقوعه کیش اولان باربارلقلرک
بالیکله دفع وازاله سینه موفق اوله جقارینی و بوندن جمله
اهالی خشنود بولنه جغنی ایراد ایله ترویج مقصده باشلا.
دقارنده — چونکه فتوی آکادشه کوره ویريله جکندن
ویا خود منفعتلری دولت علیه نک قاریشقا عینده بولند یغندن —
اروپا دولترینک بر طاقی بیطرف طور مق ایستترلر
لیکن بر طاقی که منفعتلری دولت علیه نک بقاسنه معلقدر
و بزم وکلانک دیپلوماتلارندن طولایی شمیدی به قدر نیجه
مسئلهلرده آلدانه رق صوکنده پشیمان اولمشا در بونار
بر طرفدن شرقک احوال عمومیه سینه یعنی دولت علیه نک
اوتوز ییلدن برو خط هایونار و فرمان عالیمار و تشکیلات
و نظامات و تبدیلات ایله وعد ایتمیکی اصلاحاتک ثمره
فعلیه سی شو میدانده اولان حال خطر ناکده قرار
قیلش اولمسنه مقابل روسیه دولتک حصول نیات مقرر.
رسمی هر یوزدن نصل ایارولش اولدیغنه و بر یاندن
دخی اوروپانک افق اسایشنده یریر نمایان اولان قره
بلوطلره دوربین احتیاط ایله باقه رق هر نه وجهله اولو.

رسه اولسون بو آراق شرقه بر قارشلاق چيقمامسی
جهتتی خیرلو کوره جکارندن وبومسئله ایسه مجلس
والانک نامنی دکشدیره رک دیوان احکام عدلیه ویا خود
شورای دولت دینک ووکلا حضراتک صرافلق وطیبیلک
ویا دالقاووقلو خدمتلارنده امکی کچمش برقاچ خرسیتیک
رتبه سنی ترفیع وصنف و کلایه الحاقی ایله ایشته
مسأواتی اجرا ایتدک دینک وفرانسه سفیری موسیو
بورنک تطیبی ایچون مکتب سلطانی یاقق کبی اویو.
بخارلره نسبت قبول ایتیموب ضمنده مندرج اولان محذیر
ادنی ملاحظه ایله معام اوله جغندن او صولره یناشیه .
جقلری درکاردر .

آلتنجیسی هر ایشک یوزندن و آرقه سندن نظر دقتله
باقلدیفی حالده شبهه کوشه سی قالمیه جغندن بو محذیره
قارشو برکرده شو و صورتک امکان جهتتی فرض ایله
او تقدیرجه کوریله جک محسناته نظر ایدلم اگر اصول
وراثت صابی اولاده منحصر اولورسه خاندانک سائر
ارکانی ادعایه تصدی ایده میوب بو یوزدن اعصار سابقه .
ده وجوده کلان فناقلر تکرر ایتمز دینورسه بولندیغمز
عصر وافکار من کل الوجوه دکشمش اولدیغندن اصلا

بو ملاحظه وارد دکلدر .

زیرا عصر مزده نمکخیز که بر پادشاه نرسنه امنیت
و یا اولادینه حصر سلطنت ایچون اون سکر برادر
و برادر زاده سنی بوغدیروب تلف ایتسون نته کیم بیک
تاریخندن بیک یوز سنه سنه کلنجیه قدر چند دفعه وقو-
عبولدی بو زمانده قابلیدرکه بر شهزاده اناتولینک بر
ایالنه چکیلوب مرکز سلطنته قارشو عصیان بایراغی
قالدیرسون نته کیم سکر یوز تاریخندن طقوز یوز یکرمی
سنه سنه قدر بالدفعات ظهوره کلدی اکر اوروپا دولتر-
ینه تقلید پولایقه سنه مبنی ایسه هر شیده مقلد اولمق
مجبوریتی بزه نهدن کلور بز انسان و بر ملت مخصوصه
دکلی بز هر ملنک کندیته مخصوص بعض شعار و عاداتی
اولمق قواعد طبیعیه دن دکلیدر .


برده اوروپا لیلر بزم شونمزی بونمزی تقلید ایدم جکسکر
دیو بزی اجبار ایدیورلرمی آنلرک بزدن آرادقاری شی
ایچمزده کی فناقلاری ازاله و عصرک الجا ایلدیکی اصول
ترقی و مدنیقی التزام ایله حین حاجتده روسیه نك حرکت
تجاوزیه سنه مقاومت ایدم بیهجک برحالده بولمقدر شو-
ارزویه وراثت قضیه سنک نه دخلی واردر مع هذا اوروپا

لیارده برچوق عادتار واردرکه کندولری بیله محذوری
معترف اولدقارندن تدریججه دفعنه چالیشیورلر ایکن یکن
یکرینک عادات ونظامات ملیه سنه تقلیده اوغراشمیورلر
تسلیم ایدلم که اوروپا به خوش کورنمک ایچون تقلید یولنه
کیدلسون آنلرده بولانن برچوق اصول حسنه بی براقوبده
نیجه محاذیری بدیهی اولان مسئلهدن باشلامه نك معنایی ندر
عجبا اوروپا دولتلارنده اصول وراثت اولاده منحصر
اولغله خاندان آرمه سنده هیچ قان دوکله مشمی وصییدرک
وعورتارک تخت حکومته کچورلمس بیله زمام ادور وصی و
وصیه لر الله کچرک آز فنالقارمی ظهوره کلدی بونارک
تفصیلاتی ایسترسه کز روسیه و آلمانیا و فرانسه واسپانیا
تاریخلرینه مراجعت بیوریکز بزینه صده کله لم

اگر فرض محال اوله رق بوصورتی ترویج ایدنارک
مقصدی بونیکله یوسف عن الدین افندی حضرتلرینه
خدمت واول خدمتی کندی حقارنده توجه جناب پادشا
هینک دوامنه وسیله و آلت ایتمک ایسه حسابک ایکیسی دخی
یا کاشدر زیرا افندی مشارالیه حضرتلرینی عنقوان طفو
لیتلارنده خاندان سلطنت ارکاننک وبلکه بتون علما و عقلای
ملک مظهر انکسار قلوبی ایتمک کندیلرینه خدمت دکل

باكه عين اهانت در ذات حضرت ملوكا نه نك ايسه بو
مسئله ده عصمت و برائت ذمتي محل اشتباه اولمديغندن باعث
توجه و ممنونيتاري اوله مناما اصل مقصد بودخي اولميو بده
قدرتاريني خمنما كوستره رك پادشا هك كوزيني طولدير مق
وبوز مين ايله مسندارنده دوام ايتمهكه برنوع جبر معنوي
اولمق اچونسه بو مطالعه دخي طوغر و دكلدر چونكه برايكي
شخصك اقبالي محافظه اچون سلطنت و ملت بويله برتهلكه يي
اختياره مجبور دكلدر و ذات شاهانه بنم بياديكم پادشاه
ايسه اويله كورانياره بابوج براقز بوكون وقتك طارغي
جهتيله بو قدر يازه بيلدم بقيه مطالعات بالضروره كله جنك
هفته يه قالدی .

في ۱۳ محرم سنه ۱۲۸۵ ضيا



صورت جوابنامه ثاني

تحويل وراثت سلطنت حقنده بقيه مطالعاتك بو
هفته بوسته سياله عرض و بياني ايجون سبقت ايدين وعد

کترانه مک ایفاسنه متاوت ایدرم کچنکی عربضه مده بو
مسئله نك امتناع وقوعه متعلق تخصر ابتدیکم محاذیر
عقلیه نك بر مقدارینی یازمشدم شمدی صدد نقلاً و شرعاً
دخی عدم امکانی بمحینه نقل ایدر .

نقلاً امکانی زلفه کلدیکم زده اولاً، ذات حضرت ملو.
کانه نك بوبله بر تصور غیر معقوله بولمیه جغه سزی تأمین
ایدرم چونکه اثنای جاوس هما یونده بر سنیه قریب خدمت
مخصوصه شاهانه بولمق شرفه نائل ایدم شیچ بر کون
افکار شاهانه شوبله برارزو و میلان حس ایتمکدن ماعدا
بالعکس برادر جنت مقرری عبد المجیدخان حضرت تری نك
بر زمان بومسئله اوزرینه اغفال اولندیغنی بالدفعات مقام
تعیبده ایراد بیوررلر ایدی از جمله بر کون اثنای کلامده
(بزم برادر مرحومک احوال غریبه سندن بری دخی ولی
عهدک اصولک تمیزی ایچون کندینه الف اولنان تشویقانه
قولاق ویرمسیندر دنیادن کیمک اول و کیمک صکره کیده جکی
بیلممز جناب مالک المملک احسان بیوردیغنی عتمه شکر ایله
تقدیر ازیلیه رضا و یره جکی یرده بومثالوا و هام ایله اوغرا .
شهرق هم وقتی راحتمز کچدی و همده خاندان سلطنت
آرهنه امنیتمز نك کیروب سبب حضور ایدی) بیوردیلر

بوکلام حکمت اسمک قائل اولان ذات حضرت پادشاهی
 نه سبب و احتیاجه مبنی طریق عدل و حقانیتی ترک ایله کند .
 ینک بحق تعیب ایتدیکی برتصوره تابع اولسون و برده ذات
 همایون ملوکانه برادر زاده لرینی هر معامله ده کندی صابی
 اولادندن فرق بیورمدیغی آثار علمیه سیله مدللدر .
 ینه برکون دهان کرامت بیان شاهانه لرندن ایشتم که
 (برادر مرحومک قصصا نیج مشربی اولدیغندن بنی استرقاب
 ایدردی بوجه تله کند ینک و همنی تحریک ایتماک ایچون
 کرمک یوریمک خصوصه صنده بیله غایت احتیاط ایدردم حتی
 کندی اولادی دخی بعضی مه ته احتیاطه رعایت مجبوریتنده
 ایدیلر شمدی کور بیورس کز که نیم جلوسمدن صکره آنلره
 نه درجه سر بستاک ویرادی ظن ایدرم که پدرلر ینک آجیدینی
 تیز وقتنده اونودوب بنی پدر اتخاذا ایدرلر) بیوردیلر وفی
 الحقیقه جمله معاملاتده شهرزادکان ذیشان حضراتی ایله
 نجل جایله مکرملرینی قطعاً تفریق بیورمز لر ایدی ازان
 جمه ذات همایونلری اریکه برای سلطنت اولمزدن مقدم
 کهواره زیب وجود اولان یوسف افندی حضرتلر ینک
 ولادتی برادر حنت مقررلندن مکتوم طو تیلهرق بعد
 الجاوس اعلان بیورلش ایدی مراد افندی حضرتلر ینک

بجل برکزیده لری ایچون بو احتیاطه حاجت براغلمیه رق
بالذات حضور شاهانه لرینه جلب ایله مظهر الثفات سینه
بیوردیلر .

ثانیا ، برادره انتقال سلطنت ده خاطره کله بیله جک
محاذیر عقیده اوچ یوز الی سنده دهری زائل اولوب
تکراری کورلماشدر واقعا فاتح سلطان محمد خان و سلطان
بایزید خان حضراتک آخرته انتقال لری عقبنده اولاد لری
آره سنده چوق عربده لر ظهوره کلدی و نیجه قانلر
دوکلدی بونک ایکی سبی وار ایدی .

برنجیسی ، اول زمانک اصولنجه شهزادگان مقر
سلطنتده اوطور میوب مغنیا آماسیه طربزون کبی ایالات
وایلکی ایله طشره لرده بولنه رق هر برینک حکم ایتدیکی
ایات مالکانه می ممانده اولمغله کمندینه مخصوص عسکری
و مهمات حربیه می و طرفدارانی بولنور و هر نه وقت
مقام خلافت محمول قالورسه شهزادگانک هر بری قدرت
مالیه و عسکریه سنده کوکنه رک قاعده وارث اوله جق
برادرینک علیه قیام ایده بیوردی لیکن سلطان سلیم
خان اول خلافت امتیازینی ضمیمه سلطنت ایتکله مقام
پادشاهی کسب مقدسیت ایتدیکندن اکثر شهزادگانک طشره .

لرده بولغی اصولی آندن صکره بنه دوام ایتش اولیدی
 بنه اولکی یولده غوائل میدانله کلزدی چونکه مقامک
 عثمینی بوغزیمده بولنه جق شهزاده بی ترهیه کافی اوله من
 ایسه بیلله طرفدارانه باعث جرأت اولمزدی حالوکه اول
 اصول مؤخر آبتون بتون ترک اولنهرق هیچ بر محذوزه
 محل قلمدی ایکنجیسی ، اولتاریخلرده سلطنت سنیة عثمانیه
 شمدیکی کبی یرلشماش ایدی استانبول یکی فتح اولنش
 وامرای اکراد وقره قوجه لر وعاصی غزالی کبی دره-
 بکارندن هنوز اناطولی قطعده سی تمیزلنماش واوزون حسن
 وشاه اسماعیل وچرا کسه مصریه طرفدارانک مفسدتلری
 ایله درون و بیرون ممالک هرج ومرج حالنده بولنش
 اولدیفندن افکار عمومی سلطنت عثمانیه نك حالا تقررنده
 مترددایدی بوجهته شهزادکاندن قنغیسی مقام سلطنت علیه
 بایراق قالدیرسه جوارنده بر چوق معاونلر بولوردی
 شمدی ایسه قواثم سلطنت اوله تقرر ایتشدیرکه اداره حاضره
 بر حسن حاله کیره جک اولسه الی ماشالله دوام ایده جککنده
 برفردک شبهه سی یوقدر .

ثالثاً : دولت علیه عثمانیه نك حین تأسیسندن بری
 مرعی العمل برقاعده درکه خاندان سلطنته عائد اولان املاک

و اشیا بین الورثه تقسیم اولغز ایچلرندن اکبر وارشد اولان
تخت حکومته جاوس ایدوب افراد خاندانک پدری و
وصیی اعتبار اولور و املاک منقوله یی کیف مایشاء
تصرف ایدر و قعا بونارک ایچنده بدلی بیت المالدن ویراش
ویا بیت الماله عائد بولنش املاک دخی بولمه رق بونلر شرعا
ذاته عائد اوله من ایسده اموال غنوا تدن و هدایای ملوک
و محصصات معینه شاهانه دن تراکم و تصرفله ایدیش
اولان اثنای قیتمدار ملک یمین عدا اولنوب قسمته داخل
اولور بناعلیه خاقان فردوس آشیان سلطان محمودخان
حضر تارینسک حین اتقانده اندرون و سرای هایون
خزینه لرنده بولنان ذی قیمت اشیا و مجوهرات و سایر املاک
طایفه عبدالحمید خان حضر تارینسک ید تصرفنه کچوب
عبدالعزیز خان حضر تاری دخی خاقان مشارالیهک صلی
اوغلی ایکن برشیئه مالک اولدی و نیجه زمانلر برادر جنت
مقررلینک تخصیص ایلدیکی جزئی بر معاشله قناعت بیوردیلر
کذلک مشارالیهک وفاتیله عبدالعزیزخان حضر تاری بالارث
والاستحقاق تخت خلافتنه جلوس بیوردقلرندن بری مرحوم
مشارالیهک اولادی املا کدن بر نسنيه مالک اولیوب
یا لکن تخصیص بیوریلان معاشله تعیش ایدرلر فی الحقیقه

بواصولك وضع و جریانی بر قاعده شرعیه به مستند كل ایسه ده
 موافق مصالحت و عین حکمت و اصابت اولدیغی ظاهر در
 زیرا اول امرده شهزادگان مشار الیهم اریکه زیب خلافت
 اولان عم محترم لریك سایه لطف و عاطفه ده هیچ برشی
 ایچون ضرورت چکمییه حکمرندن ناشی فضله املاک
 کندیلرینه لزومی اوله من ایکنجی درجه ده هر برنده بالقوه
 موجود اولان حقوق سلطنت امتیازی کندیلری ایچون
 هر در او املاکدن قیملیدر اگر ارکان خاندان بوا امتیازه
 نائل اولیوبده اولاده انحصار قاعده سی جاری اولیدی
 ممالك عثمانیه شمدییه قدر خاندان سلطنت افرادینه بالورائه
 انتقال ایده ایده ایالات شهزادگان و سلاطین عظامك و اولاد
 واحفاد لریك مالیکانه سی اولمق لازم کور و بویوزدن هیئت
 ملك چوقدن متفرق و پریشان اولوردی بو وجهله املاک
 موروثه نك ورثیه تقسیم اولمیه رق و ورثه نك اتفاق
 و رضاییه اکبر و ارشد خاندان وصی اعتبار ایدیلرک آنک
 ید تصرفنه ویرلمی اکثریا وقوعه کور از جمله بنده لریك
 بیوک پدرم وفات ایتدکده پدرم اکبر اولاد اولمغله املاک
 مخالفه بین الورثه تقسیم اولمیش و آنک وفاتنده دخی
 محاصلری اکبر بولندیغمدن کذلک تفریق مخلفات ایدلما مشدر

آنحضرت برادر و همشیره لک بکا ترک ایتدکاری بوامتیازا کبریت
اصولنه رعایتله امانتم دوام و تحققت ایتدیکی مدته جاری
ابواب شمعی بدرمدن قالان املاکی منحصر آکندی اولاده
ترک ایتک داعیه سنده قالفشیر آنر دخی املاک منتقله دن
حصه ارشیه لرینی تفریق ادعاسنه بحق تشبث ایدرلر اول
زمان خاندانز پریشان اولور سلطنت عثمانیه حقوق وراثتک
تغیری شرعاً دخی جائز و قابل دکلدر چونکه مصالح
انامه تعلق ایدن کافه امورده شرع شریفک فتوای رضایی
منفعت عمومیه بی تضمن ایدن جهندن اصلاً آیرلمز شرع
مبین احمدی هیچ بر تأویل و وسیله ایله یو اسامی براقه میه.
جغندن خلافتک اولاده انحصارنده کی مضرت عمومیه ایله
اکبر وارشد خاندانه انتقالنده کی فوائد و محسنات میدانده
اولدقجه شق ثانی نک اختیاری امر طبعیدر و بوسببه
مبنیدرکه، حضرت رسول اکرم صلی الله علیه و سلم تعیین
خلافت بیورمدی چهار یارگزین حضراتی دخی اثر نبوی به
اقتدا ایلدیلر و هر برینک انتقالنده نصب اولمان خلیفه اهل
حل و عقدک اجماع و انتخابله اختیار اولندی و بو اساسه
مستنددرکه. امویه و عباسیه و بنی بویه و بنی ایوب و ساچوقیه
کی دولت اسلامیه لک هیچ برنده اولاده انحصار وراثت

قاعده سی کورلمدی بوناردن آ کلاشیاورکه دولت عثمانیه بی
تأسیس ایدن ملوک عظام حضراتی هر حرکتاری شرع
شریفه تطبیق ایلدکاری کی اشیووراثت سلطنت خصوصاً صند
دخی اثر نبوی واجمع سلف صالحین، تمثیل انقیاد و موافقت
ایله ایلشاردر واتی یوز سنه دیر بوقاعده مشروعه نیک مصلحت
عالمه جه خیر و منفعتی کوریلرک استقرارنده اتفاق واجمع
امت حاصل اولمشدر شمدی بونک خلافت فئوی ویرمه که
کیم جرأت ایده یاور فرض ایدم که بر شخص مداحن دولت
دنیایچون بعضی تأویلات ایدرک بوجسارتی ایتسون آنک
فتوای عمای امت عندنده مقبول و معتبر اولمز فقط کندیسی
بویله بر فعل نامشروع ایله بیضه بیضی اسلامیه اهانت
داعیه سنده بولاش اوله جغندن قیامتهدک اعتناله یاد اولندیغی
یانه کار قالور .

شیخ الاسلام لاحق حسن افندی نیک ذات وزمانی
بیامدیکمدن حقنده سوؤ ظن ایتک ایتسم آنجق طریق
هلیه رجا نندن بر کیمسه به تصادف ایتدم که آنک شاننده
بولنسون بالعکس علوم فقهیه ده راجل وفنون مداهنه
ومداراده استاد کامل این الجانب دولت دنیایه حریص
وطالب بر ذات اولدیغی چوق دفعه ایشدی کمندن رفیق

افندی کبی بر فاضل عفت سمانك برینه کلدیکنی طوید .
 یغمده متأسف اولمش ایدم مع مافیه مشارالیه بو قدر زما .
 نر در شرف مقارنت و خدمت جناب ملوک اندده بولمه رق
 سلفنت سنیه نك حال حاضرینی طیش یوزندن اولسون
 کورمش اولدیغنده شبهه ایدیه میه جکندن هر نه قدر مداهن
 و حریص جاه اولسه دخی بنای اسلامك تملنه بالضه اورمغه
 جرأت ایده جك قدر فرومایه اولمی تصورك خارجنده در
 نه دیمك بو آدم مسلمان دگلی دوات عثمانیه نك اکبر کنی
 بیریمی هیچ تاریخ مطالعه ایتدیمی دولتک بولندیغی تهلیکه لری
 کورم یورمی کورم بورسه ایشتم یورمی تاکه بویله بر زمانده
 شویله بر اهانته قصد ایتسون خیر بر کیمسه نه قدر دنی
 پرست اولورسه اولسون ولی نعمتنه بیلهرک خیانت ایده من
 و فرضا او درجه بر دناشتی ده اختیار ایدر دینسه مادامکه
 عقلی و کندی منفعتنی ادراک ایده جك قدر تمیزی واردر
 کندبسنی دنیا و آخرتده رزیل و رسوا ایده جك بر تهلیکه یه
 آتمز مکرکه مجنون و سراسیمه اوله یاکولای دولت مجنون
 و خائیدر لکه ایکیمده برده بو ایشی قورجالوب طوردر
 دینورسه آنلرک غرضاری بشقه در مرحوم عارف حکمت
 بک کچن یتش سنه سنده مقام مشیختدن انفصل ایتدکده

اشبو وراثت مسئله سنك تغييرى ايچون اول وقت ذروء
اقبالده بولان رشيد پاشا طرفندن وقوعبولان تكانيه
موافقت ايتيشى سبب اولديغي شايع اولمش ايدى مشار
الميه مناسبته مخصوصه اولديغندن ركون بوخصوصى محرمانه
كنديسنه آچوب صحیحاً بويله برتكليف ايدىلارب ايدىلديكنى
صوردم جوابنده « بن رشيد پاشا دن خشنود دكم لكن
درايتنى اعتراف ايدرم بوذات مجنونميدركه بويله بر خيال
محاله وجود ورسون مكر بنای سلطنتى اساسندن هدم
ايتك مراد ايله خير بوسوز بتون بتون يالاندرده ديم فقط
ياكلشى واردراسكى عصرلرده وكالای دولت پادشاهلارى بو
مسئله ايله اغفال و غرخلرينك اجراسنه آلت كې اسنعمال
ايدرك دراو فناالاره سبب اولمشلر ايدى رشيد پاشا دخى
بكا نفسايتندن دكل بللكه عارف افنديك مشيخته بولمى
كنديك طريق عليه شعبه سنه دخى نفوذنى استازام ايتك
مقصدى اوزرينه مثلاً ذات شاهانه اشبو وراثت ايشى
حصوله كلك ايچون برقتواى شرعى يه استناد اولمق اقتضا
ايدى بور حكمت بك ايسه صوفى مشرب وافكار عتيقه
صاحبي بولمديغندن شايد تعندايدر آنك تبديليه رينه يومشق
خوبلى فلان ذات كتورلك مناسب كې خاطر مه كليورديدرك

استحصل مرام ایش اولماید لیکن ذات مصلحتک امکانسز اغنی
یک اعلا بیلور سوزک نتیجه سی بو مسئله هر زمانده وکلا
ایچون بوستان قورقونلی کبی بر آلت درگاه پادشاهی
اورکیدوب کندیلرینه محتاج و مجبور کو سترمک وگاه ایشلرینه
اویمیان بر رقبی قاید رمق ایستدکارنده هان آنی اورته یه
قویوب کونا کون طرز زرده استعمال ایدر لر» دیمشدی آخق
نجر به اولدیغندن اولناریخده بو کلامک درجه حقانیتنی
ادراک ایدمه مامشدم ایشته شمسی آکلا یورم که عالی وفؤاد
پاشا لر دخی رشید پاشا مکتبندن یتشمش اولدقلرندن رفیق
اغدی بی مشیخندن تبعید ایچون استادلرینک اون بش سنه اول
قوللانیدیغی لعبه بی اله آلماردر (ع) شاگردینه تعجینه
استانیه رحمت .

کلام بو حوادلک شیوعی اسبابنه . اولکی عمر بضه مده
بیان ایلدیکم وجهله بر سنه یه یقین خدمت سنیه ملوکانه ده
بولندیغم مدتجه و آندن صکره لری دخی بویله بر سوز کیمسه دن
ایشیدلمدی وقتا که مصره عزیمت هایون وقوع بولدی عودت
عقبینده دفعه بولقردی یا یلدی ومصر والیاکی وراثتک
تحولی قضیه سی دخی بر آراق انتشار بولدی حبه یی درلو
معنلر ایله قبه ایتک استانبول خلقنک عادتق اولدیغندن بو

قیل وقال اوزرینه یاقشدره رق غریب و عجیب حاشیه لر
 ویردیلر مثلاً کیمبسی دیدی که فؤاد پاشانک ایلك صدارتدن
 چکلمسی رفتاسی اولان عالی ورشدی و کامل پاشا لر ایله
 جمله سی بدن استعفا ایتمک و بوتقرب ایله یرلرینه آدم و نمده
 پادشاهی عاجز راقوب مؤخر امت و استعفا ایله مقبلاً
 و مستقلاً میدان کک اوزره بیلرند و یردکاری بر قرار
 متفقانه به مبنی ایدی فؤاد پاشا یازدیغی استعفانامه ده کوک
 دیرکارنی آلوب دولتک اطرافنی صارمش اولان مهلتک
 و مخاطراته فتور بخش عقول اوله حق برشکلده ترسیم
 و کندینک بو آنه قدر تحمل ایتمی مجرد جمال محاسن اشمال
 جناب پادشاهی به اولان علاقه دروندن ناشی اولدیغنی
 و پادشاهک متوجه بولندیغنی یکی آدم لرایش باشنه کتوریلرک
 برکره تجربه اولغسنی کنایه و تلمیح ایله بسط اعتذار ایتمشی
 عالی پاشا دخی صورتده استعفا و معناده صدارتدن استعفا
 ایله برابر خارجییه نظارتنده قلمغه روی رضا کوسه تردی
 رشدی پاشا مرعسکر لیکه ابقاسی ایچون وارد اولان امره
 مخالفی دأب عبودیته منافی کوروب حال تردد عرض ایادی
 کامل پاشا ایسه مهر صدارتک صاحبسز قالدیغنی لایق
 کورمیه رک ناچار صدراعظم اولدی و الحاصل زواللی فؤاد

پاشا اعتماد ایتدیکی رفقا سندن هیچ بریخی میدان اجراده
 کندینه همپا کوره میهرک یاب یالکز قالدی و مقصد اصلی
 اولان استقلاله نائل اوله مدقلرندن بشقه صدارتی لندن
 قاچیرمش اولدی فقط بویارمک آجیسی ایچندن چیمه یوب
 مصر سیاحتنده شرف معیت هایون ایله مستعد اولدقده
 تلافی مافاته قیام واستعفا نامه سنده بسط ایتدیکی حاکمی
 اونودوب رخدمت فوق العاده وعد و عرضی ایله ضایع
 ایتدیکی توجه شاهانه نک مع زیاده جایی صورتیه بدل اقدام
 ایلدی یعنی اشبوراث مسئله سنی اورتیه قویوب اجرا
 سنی دخی تعهد ایتدی و خلقک افکار و نظارینی بومثل و تبدلاته
 آلدیرمغه براعت استمال و همده مصر و الیسنک کوستردیکی
 مخالفت مخصوصه به بر جمیله عال العال اولمق ایچون اول
 امرده مصر وراثتک اولاده انحصاری ماده سندن باشلا
 نمسی رأینده بولندی آنجق مسئله نک اساسی بو وجهه
 قرارلشدیرمش ایسه ده عالی پاشانک دخی انضمام رأی
 و موافقی اهم اولدیغندن طرف شاهانه دن برچوقک تلطیفات
 سنیه و مصر و الیسی جانندن بالدفعات اعطا اولنان قیو
 یولدا شجه معاونت نقیده لر ایله اول آهوی و خشی به دخی
 استیناس کلدی و مؤخر آ مصر مسئله سی معرض اجرا به

کتورلدی و بر طاقم حوادث شارحاری بونک دها ایچ
 یوزینه کیروب دیدیلرکه کویا فؤاد پاشانک بوتدیردن مقصدی
 یالکیز استقلال ایله صدارتی قاعقی دکادر بلکه پدری عزت
 ملانک خاقان جنت مکان حضر تلرینک امریله نسیم و اعدام
 اولدیغی اعتقادنده بولهرق خاندان سلطنت سنده دن اخذ
 انتقام داعیه سی اوته دنبری منوی ضمیری اولمغله بر تقریب ایله
 تخت سلطنتی اله کچورمک ایستدی کندیبی فن طبابت
 بیلدیکندن زعم ایدرکه ذات شاهانه دموی المراج اولمغله
 مفاجاة وفاتی محتملدر بر کره قاعده وراثت تحویل اولنسه
 عزالدین افندی صبی ایکن اجلاس ایدیلاور و بلوغنه قدر
 اداره امور ایچون بروصیه احتیاج کورینور کندی ظنجه
 بومقامه کنندن مناسب بولنه میه جغندن وصایت زمینی ایله
 زمام اداره قبضه استقلالنه کچر بعده بر صره سنی بولوب
 مشارالهی آرهدن قالدرمق ایله بلارقیب تخت عثمانی کندینه
 نصیب اولور و بونکله پدرینک انتقامی آلنور خلیاسنده در .
 بوسوزلر خلق بیننده تکیونی معتاد اولان آراجیف
 قبیله دن اولمغله تمایله اعتماد شایان اوله من فقط استعفا
 مسئله سنک منوان مشروح اوزره وقوعه کلدیکی و مصر
 وراثتک تغیری کیفیتی عالی و فؤاد پاشا لک همت مخصوصه .

لریله اجرا اولندیغی و نواد پاشا ایکنجی صدارتنی کل
استقلال و فوق العاده بر اقبال ایله امرار ایتدیکی فعلاً
ثابتدر شمدی مسئلهی خلاصه ایدلم بوباید بده لرینگ
معاومات و مطالعاتک فذلیکه سی بر نبیسی ، دولت علیه نک
دوچار اولدیغی مخاطرات داخلیه و خارجیه میدانده ایکن
بویله بر کورینور قضایه چارپلمق هجج بر عفتک کاری او .
لمدیغندن وجود مسئلهیه اسماً اینانیله من .

ایکنجیسی ، ذات حضرت ملوکانه نک اوائل جاوسارنده
قطعا بویله بر تصور و نیتلری یوغیدی و البته ینه یوقدر .
اوچنجیسی ، ذات مسئله نک عقلاً و نقلاً و شرعاً
اجراسی محالدر .


دردنجیسی ، تبدل مشیختک سبی بوقضیه دکلدر .
بشنجیسی ، بونک شیوعی عالی و نواد پاشالک محافظه
اقبال ایچون قولاندقلری راوسته لقدر یوقسه عدم امکاتی
ادراک ایتیه جک درجه ایکیسیده احق دکلدر .

ایشته مخلص یی ریالرینگ بیلدیکم بوقدردر تفصیل
ایله تعجیز ایتدم عفوینی و برده مباحث مسروده نک ایچنده
بعض احوال مخصوصه بولندیغندن اشبو عریضه لرمک
صورت محرمیتده طوبلسنی رجا ایدرم .

فی ۲۰ محرم سنه ۱۲۸۵ ضیا

فیاتی ۰ ۴ پارہ در







3 1761 08137380 5

Ziya Paşa, 'Abdülhamid
Veraset-i saltanat-i
seniye

PL

259

259

1910